



TOM NEWBY SCHOOL
KWARTAAL 4 TOETS



1


Vak	Afrikaans	Eksaminatrise	Mej. M. Botha
Datum	November 2021	Totale punte	60
Graad	7	Tydsduur	2 ure
		Moderatrise	Mev. M. Fourie
Spesiale instruksies	Leerders word nie toegelaat om woordeboeke te gebruik nie.		

This Exam has been compiled using notes and information contained in the Tom Newby School book. The marking memorandum has been compiled accordingly. While alternative responses will be given due acknowledgement, the official memorandum will be considered a priority document to ensure uniformity of marking.

Naam:	Van:	Klas:
-------	------	-------

Instruksies:

- Hierdie vraestel bestaan uit:
 - Vraag 1: Literêre / nie-literêre teks (20 punte)
 - Vraag 2: Visuele teks (10 punte)
 - Vraag 3: Opsomming (10 punte)
 - Vraag 4: Taalstrukture en konvensies (20 punte)
- Beantwoord al die vrae op die vraestel.
- Beantwoord al die vrae in volsinne tensy anders aangedui.
- Neem kennis van die puntetoekenning per vraag.
- Jy word nie toegelaat om 'n woordeboek tydens die toets te gebruik nie.
- Lees jou vrae noukeurig deur en skryf jou antwoorde netjies neer.



Vraag 1: LITERÊRE / NIE-LITERÊRE TEKS

Lees die teks en beantwoord die vrae wat volg.

Die Olimpiese Somerspele 2020

in Wikipedia, die vrye ensiklopedie

1. Die Olimpiese Somerspele 2020, sou oorspronklik tussen 24 Julie en 9 Augustus 2020 in Tokio, Japan, aangebied word, met die nuwe datums vanaf 23 Julie tot 8 Augustus 2021. Tydens die geleentheid neem 11 326 atlete uit 206 nasies aan 339 items in 33 verskillende sportsoorte deel.
2. Dit is die 32ste aanbieding van die Somerspele sedert 1896 en die tweede keer wat Tokio die spele organiseer na hulle eerste spele in 1964.



3. Die opening-en sluitingseremonies vind in die Nuwe Nasionale Stadion in Tokio plaas. Soos gebruikelik stap die lande in alfabetiese volgorde die stadion in met Griekeland die eerste en die gasheer Japan die laaste, maar aangesien die plaaslike taal Japannees is, word dié taal se alfabet gebruik om die volgorde te bepaal. Beide Chad le Clos (swem) en Phumelela Mbande (veldhokkie) het die Suid-Afrikaanse vlag ingedra.
4. As gevolg van die wêreldwye Covid-19-pandemie het die Internasionale Olimpiese Komitee met die Japanese reëlingskomitee ooreengekom om die Olimpiese Somerspele 2020 vir een jaar uit te stel. Die sportgeleentheid behou egter steeds sy amptelike naam en is die Olimpiese Somerspele van die jaar 2020. Dit is die eerste keer dat moderne Olimpiese Spele uitgestel is en in 'n onewe jaar gehou word. Die Olimpiese Somerspele 2020 vind vanaf 23 Julie tot 8 Augustus 2021 plaas. Verder het die Japannese regering en die Internasionale Olimpiese Komitee aangekondig dat dit sonder enige toeskouers plaasvind.
5. Die Paralimpiese Somerspele 2020 sal tussen 24 Augustus en 5 September 2021 in Tokio gehou word.

Bron: https://af.wikipedia.org/wiki/Olimpiese_somerspele_2020

Aantal woorde: 287

Vrae:

Nadat jy die inligtingstuk sorgvuldig deurgelees het, beantwoord die volgende vrae in volledige sinne. Onthou: Geen Engels.

1.1 Wat is die titel van die inligtingstuk? (1)

1.2 Die 2020 Spele is uitgestel na 2021.

1.2.1 Is dit waar of onwaar? (1)

1.2.2 Gee 'n rede vir jou antwoord. (1)

1.3 Hoeveel atlete neem aan die geleentheid deel? (1)

1.4 Onderstreep die korrekte antwoord.

Dit is die ____ste aanbieding van die Somerspele sedert 1896. (1)

A) 33 B) 23 C) 32 D) 19

1.5 Die hoeveelste keer was dit nou wat Tokio die Spele aangebied het? (1)

1.6 Waarom stap Japan se atlete laaste in die stadion in? (1)

1.7 Wie het die Suid-Afrikaanse vlag in die stadion ingedra? (2)

1.8 Vul die korrekte woord in die spasie in: Die (1)

_____ Somerspele 2020 sal tussen 24 Augustus

en 5 September 2021 plaasvind.

1.9 Toeskouers kon die Olimpiese Spele 2020 bywoon.

1.9.1 Is dit waar of onwaar? (1)

1.9.2 Gee 'n rede vir jou antwoord. (1)

1.10 Onderstreep die korrekte antwoord. (1)

Dit is die eerste keer dat die spele in 'n _____ jaar gehou word.

A) ewe B) onewe C) gewone D) regte

1.11 Waar vind die afsluitingseremonie plaas? (1)

1.12 Wie, dink jy, is die Internasionale Olimpiese Komitee? (1)

1.13 In watter jaar het die Olimpiese Spele vir die eerste keer plaasgevind? (1)

1.14 Wat is die verskil tussen die Olimpiese Spele en die Paralimpiese Spele? (1)

1.15 Waarom stap Griekeland eerste tydens die openingseremonie die stadion in? (2)

1.16 Sal jy graag aan die Olimpiese Spele wil deelneem? Motiveer jou antwoord. (1)

Totaal vraag 1: 20

Vraag 2: VISUELE TEKS

Bestudeer die inligting en beantwoord die vrae wat volg:

SPELE VAN DIE XXXIIE OLIMPIADE

TOKYO 2020



Gehou in	Tokio, Japan
Deelnemende lande	206
Deelnemende atlete	11 326
Items	339 in 33 sporte (50 dissipline)
Openingseremonie	23 Julie 2021
Sluitingseremonie	8 Augustus 2021
Amptelik geopen deur	Keiser Naruhito
Atlete-eed	Ryota Yamagata Kasumi Ishikawa
Beampte-eed	Masato Kato Asumi Tsuzaki
Olimpiese vlam	Naomi Osaka (tennis)
Vorige Spele	2016: Rio de Janeiro (Brasilië)
Volgende Spele	2024: Parys (Frankryk)



Vrae:

- 2.1 Beskryf die logo van die Olimpiese Spele? (1)

- 2.2 Waar is die 2020 Olimpiese Spele aangebied? (1)

- 2.3 Hoeveel lande het aan die Olimpiese Spele deelgeneem? (1)

- 2.4 Hoe trek hierdie inligtingsteks jou aandag? (1)

- 2.5 Wie het die Olimpiese vlam aangesteek? (1)

- 2.6 Waar gaan die volgende Olimpiese Spele plaasvind? (1)

- 2.7 Waar het die 2004 Olimpiese Spele plaasgevind? (1)

- 2.8 Noem een item (sport) waarin jy kan deelneem gedurende die Olimpiese spele. (1)

- 2.9 Wie het die 2020 Olimpiese Spele amptelik geopen? (1)

- 2.10 Vul die ontbrekende woord in: (1)
Die Olimpiese Spele word elke _____ jaar gehou.

Totaal vraag 2: 10**Vraag 3: OPSOMMING****Instruksies:**

- Lees die koerantberig "Ja, Tatjana! Goud, nuwe wêreldrekord vir SA se Schoenmaker" sorgvuldig deur.
- Onderstreep die hoofgedagtes in elke paragraaf.
- Gebruik die hoofgedagtes en som die inligting van die leesstuk op.
- Skryf net 7 sinne onder mekaar neer.
- Gebruik tussen 40 en 50 woorde vir jou opsomming.
- Dui die aantal woorde aan die einde van die opsomming aan.
- Jy moet 'n eerste weergawe en 'n finale weergawe skryf.

Ja, Tatjana! Goud, nuwe wêreldrekord vir SA se Schoenmaker.

30 Julie 2020



1. Tatjana Schoenmaker was Vrydagoggend vroeg Suid-Afrikaanse tyd oorstelp van vreugde toe sy nie net 'n goue medalje in die 200 m-borslag by die Olimpiese Spele in Tokio verwerf het nie, maar ook 'n jarelange wêreldrekord in die item verpletter het.
2. Die 24-jarige swemsensasie het na 2 minute 18:95 sekondes eerste aan die kant geraak en die rekord (2:20:84) wat in 2013 opgestel is, verbeter.
3. Die VSA se Lilly King was in die tweede plek, met haar span-en oefenmaat Annie Lazor derde.
4. Schoenmaker het ook silver in die 100 m-item gewen en haar bedoeling by vanjaar se Spele duidelik uitgestippel toe sy die rekord in die uitdunne verbeter het.
5. King was aanvanklik blitsig weg en het by die 50 m-en 100 m-merk eerste gedraai. Schoenmaker het daarna haar skuif gemaak en die Amerikaner ore aangesit.
6. Sy is die eerste Suid-Afrikaanse vrou sedert Penny Heyns in 1996 wat 'n goue medalje in swem by 'n Spele wen.
7. Die Suid-Afrikaner Kaylene Corbett het in die vyfde plek geëindig.

Aangepas uit: Maroela media
Aantal woorde: 176

Vraag 4: TAALSTRUKTURE EN KONVENSIES

Gebruik die inligtingstuk 'Die Olimpiese Somerspele 2020' om die vrae te beantwoord:

- 4.1 Onderstreep die **eienaam** in die titel. (1)
Die Olimpiese Somerspele 2020
- 4.2 Voltooi die **trappe van vergelyking**: (1)
nuut nuwer _____
- 4.3 Verander die sin van die lydende vorm na die bedrywende vorm toe. (1)
Chad le Clos het die vlag ingedra.

- 4.4 Verdeel die volgende woord in **lettergrepe** op en dui aan of dit oop of geslote is: (1)
Somerspele _____
- 4.5 Verdeel die volgende woord in **klankgrepe** op: (1)
Japannese _____
- 4.6 Skryf die volgende woorde in **alfabetiese volgorde** neer: (1)
onewe, datums, gasheer, vlag

- 4.7 Vul die korrekte **lidwoord** in die volgende sin in. (1)
_____ Suid-Afrikaanse vlag is deur Chad le Clos en Phumelela Mbande ingedra.
- 4.8 Watter een van die volgende woorde is 'n **afleiding**: (1)
A) vlag
B) somerspele
C) atlete
D) hokkie

- 4.9 Gee 'n **sinoniem** vir die onderstreepte woord: (1)
Dit is die eerste keer dat die Olimpiese Spele in 'n onewe jaar gehou word.

- 4.10 Gee 'n **antoniem** vir die onderstreepte woord: (1)
Die nuwe datums is vanaf 23 Julie tot 8 Augustus.

- 4.11 Verander die stelsin in 'n **vraagsin** sodat die onderstreepte gedeelte die (1)
antwoord is.
Die Paralimpiese Somerspele 2020 sal tussen 24 Augustus en 5 September 2021 plaasvind.

- 4.12 Dui aan of die onderstreepte gedeelte van die sin 'n **byvoeglike bysin of** (1)
bywoordelike bysin is.
Die Olimpiese Somerspele wat amper afgestel was, word in Tokio aangebied

- 4.13 Gee die **meervoud** van jaar: _____ (1)
- 4.14 Wat is die regte **ontkenningsvorm** van die volgende sin: (1)
Was die Olimpiese Spele al ooit afgestel?
A) Ja, dit was.
B) Nee, die Olimpiese Spele was nog nooit afgestel nie.
C) Ja, dit was nie.
D) Nee, die Olimpiese Spele was al ooit nie afgestel nie.
- 4.15 Waarom word daar in die volgende sin 'n **koppelteken** gebruik? (1)
Die opening- en sluitingseremonies vind in die Nuwe Nasionale Stadion plaas.

- 4.16 Verbind die sinne met die **voegwoord** tussen hakies. (1)
Japan het die 2020 Olimpiese Spele aangebied. Hulle het ook die spele in 1964 georganiseer. (en)

- 4.17 Skryf die volgende sin in die **toekomende tyd**. (1)

Die lande stap in alfabetiese volgorde die stadion in.

- 4.18 Verander die volgende sin van die indirekte rede na die **direkte rede**. (1)

Die IOK het gesê dat daar geen toeskouers by die spele mag wees nie.

- 4.19 Word die onderstreepte gedeelte **letterlik of figuurlik** gebruik. (1)

Dit was naelskraap tussen China en VSA om die Olimpiese Somerspele 2020 te wen. _____

- 4.20 Waarom word die **hakies** in die volgende sin gebruik? (1)

Beide Chad le Clos (swem) en Phumelela Mbande (veldhokkie) het die Suid-Afrikaanse vlag ingedra.

Totaal vraag 4: 20

Groottotaal: 60

Graad 7 Arikaans Addisioneel November Toets 2021

Prestasie evaluering

(Vir onderwyser gebruik alleenlik)

Naam en Van: _____ Klas: 7 ____

	Vraag 1	Vraag 2	Vraag 3
Moontlike punt	20	10	10
Leerder punt			

Vraag 4

Vraag nommer	4.1	4.2	4.3	4.4	4.5	4.6	4.7	4.8	4.9	4.10
Moontlike punt	1	1	1	1	1	1	1	1	1	1
Leerder punt										

Vraag nommer	4.11	4.12	4.13	4.14	4.15	4.16	4.17	4.18	4.19	4.20
Moontlike punt	1	1	1	1	1	1	1	1	1	1
Leerder punt										

/